

საქართველოს იუსტიციის უმაღლესი საბჭო



სატენდერო დოკუმენტაცია

მანქანების შეკეთების და ტექნიკური მომსახურების

სახელმწიფო შესყიდვა

(50112000)

გამარტივებული ელექტრონული ტენდერი

თბილისი

2015

წელი



1. ინსტრუქცია გამარტივებულ ელექტრონულ ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.2. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.
- 1.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.6. პრეტენდენტს არა აქვს უფლება წარმოადგინოს ალტერნატიული წინადადება.
- 1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის მოდულის - „კითხვა/პასუხი“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ქ. თბილისი, ბოჭორმის ქ. №12; საკონტაქტო პირი: ლაშა სულთანიშვილი ტელ.: +99532 2273100 (106), მობ.: +995 77 28 53 35.



2. ტექნიკური დოკუმენტაცია და პირობები

2.1. პრეტენდენტის მიერ სისტემაში ასატვირთი მონაცემები:

- ა) შესყიდვის ობიექტის პრეისკურანტი (დანართი №2-ის მიხედვით);
- ბ) ანალოგიური მომსახურების არანაკლებ 5 (ხუთი) წლიანი გამოცდილება (წარმოდგენილი უნდა იქნას აღნიშნულის დამადასტურებელი დოკუმენტაცია ან/და ინფორმაცია);
- გ) ინფორმაცია მომსახურების განხორციელებისათვის აუცილებელი მატერიალურ-ტექნიკური ბაზისა და პერსონალის კვალიფიკაციის შესახებ;
- დ) ინფორმაცია მის საკუთრებაში ან სარგებლობის უფლებით არსებული სერვის-ცენტრების შესახებ, შესაბამისი მისამართების მითითებით;
- ე) პრეტენდენტის შესაბამისად უფლებამოსილი პირის მიერ ხელმოწერილი დოკუმენტი სატენდერო წინადადების მოქმედების ვადის შესახებ (სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ კონკურენციისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტით გათვალისწინებული ეტაპის დადგომამდე);
- ვ) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელის და საკონტაქტო პირის სახელი და გვარი.

2.2. მომსახურების გაწევის სავალდებულო ვადა ხელშეკრულების გაფორმებიდან 2015 წლის 31 დეკემბრის ჩათვლით, მომსახურების გაწევა უნდა მოხდეს ეტაპობრივად მოთხოვნის შესაბამისად.

2.3. მომსახურების გაწევა უნდა განხორციელდეს მიმწოდებლის საკუთრებაში ან სარგებლობის უფლებით არსებულ სერვის-ცენტრებში.

2.4. მიმწოდებლის მიერ მომსახურების გაწევა განხორციელდება შემსყიდველის მიერ მომსახურების მოთხოვნის დღიდან შემდეგი პირობების დაცვით:

- ა) შემსყიდველის მოთხოვნით, მიმწოდებელი უსასყიდლოდ მოახდენს წარმოდგენილი ავტოსატრანსპორტო საშუალების დიაგნოსტიკას, რის საფუძველზეც შედგება შესაბამისი დეფექტური აქტი - ჩასატარებელი სამუშაოების (გასაწევი მომსახურების) განფასება.
- ბ) დეფექტურის აქტის ორმხრივი ხელმოწერის შემდგომ, მიმწოდებელი მოახდენს დეფექტურ აქტში მითითებული მომსახურების გაწევას, რაზედაც შედგენილ იქნება შესაბამისი მიღება-ჩაბარების აქტი.

2.5. მიმწოდებელმა უნდა გაუწიოს საქართველოს იუსტიციის უმაღლესი საბჭოს ბალანსზე რიცხულ ავტომანქანებს (იხილეთ დანართი №1) შემდეგი სახის ტექნიკური მომსახურება:

- ა) პროფილაქტიკური და დიაგნოსტიკური სამუშაოების ჩატარება;
- ბ) ავტომანქანის ოპერატიული შეკეთება, უწყისივრობების აღმოფხვრა;
- გ) დაზიანებული ნაწილების გამოცვლა და/ან შეკეთება ახალი (არა მეორადი) ნაწილებით;
- დ) საცხებ-საპოხი მასალების გამოცვლა.

2.6. ავტომანქანების ოპერატიული შეკეთება გულისხმობს ყველა სახის სამუშაოებს, ავტომანქანის შეუფერხებელი ფუნქციონირების უზრუნველყოფის თვალსაზრისით, მათ შორის: მიმდინარე და კაპიტალური რემონტი, პროფილაქტიკური და დიაგნოსტიკური სამუშაოების ჩატარება, დაზიანებული ნაწილების მოხსნა-დაყენება და შეკეთება-გამოცვლა, ელექტროგაყვანილობა, ძრავა, სავალი ნაწილი, ძარა, სალონი, უკანა ხიდი, წინა ხიდი, გადაცემათა კოლოფი, კარდანული გადაცემა, სამუხრუჭე სისტემის შეკეთება-შეცვლა, მართვის მექანიზმი, ანთების სისტემა, კვების სისტემა, გაგრილების სისტემა, საბურავები და სხვა ძირითადი კვანძები და სამუშაოები.

2.7. გაწეული მომსახურება უნდა აკმაყოფილებდეს შემდეგ საგარანტიო პირობებს:

- ა) საგარანტიო ვადა სავალ ნაწილებზე უნდა შეადგენდეს მიღება-ჩაბარების აქტის გაფორმებიდან 6 (ექვსი) თვეს;



საქართველოს იუსტიციის უმაღლესი საბჭო

- ბ) საგარანტიო ვადა საცხებ-საპოხ საშუალებებში მომუშავე აგრეგატებზე 1 (ერთი) წელი ან 50 000 კმ, რომელიც უფრო ადრე შესრულდება;
- გ) საგარანტიო პერიოდში დაზიანებული ან/და შესაკეთებელი ნაწილის შეცვლა ან/და შეკეთება მიმწოდებლის მიერ უნდა განხორციელდეს დაუყოვნებლივ.
- 2.8. სატენდერო წინადადების ფასი წარმოდგენილი უნდა იქნეს საქართველოს მოქმედი კანონმდებლობით გათვალისწინებული ყველა გადასახადის გათვალისწინებით.
- 2.9. ანგარიშსწორება მოხდება უნაღდო ანგარიშსწორებით, ეროვნულ ვალუტა – ლარში.

შენიშვნა:

- პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.
- ავტოსატრანსპორტო საშუალებების მომსახურების და ასეთი მომსახურებისათვის საჭირო საქონლის ერთეულის ღირებულებები პოზიციების შესაბამისად პრეტენდენტის მიერ მითითებული უნდა იქნას პრეისკურანტში (დანართი №2) და არ უნდა აღემატებოდეს პრეისკურანტში შესაბამის პოზიციებზე დაფიქსირებულ ზღვრულ ერთეულის ფასებს. ერთეულის ღირებულებების ჯამურმა ოდენობამ არ უნდა გადააჭარბოს პრეისკურანტის ღირებულებას - 54743,00 (ორმოცდაათოთხმეტი ათას შვიდასორმოცდასამი) ლარს.
- პრეისკურანტით განსაზღვრული ავტოსატრანსპორტო საშუალებების მომსახურების და ასეთი მომსახურებისათვის საჭირო საქონლის რომელიმე ერთეულის არარსებობისას, აღნიშნულის ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში ავტოსატრანსპორტო საშუალებების მომსახურების და ასეთი მომსახურებისათვის საჭირო საქონლის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის საბოლოო ჯამური ღირებულების 10%-ს.
- გამარჯვებული პრეტენდენტის მიერ სისტემის მეშვეობით წარმოდგენილ პირვანდელ და ელექტრონული ვაჭრობის შედეგად დაფიქსირებულ საბოლოო პრეისკურანტის ღირებულების სხვაობის არსებობის შემთხვევაში, პრეისკურანტით განსაზღვრული ერთეულის ღირებულებების დაანგარიშება მოხდება არსებული სხვაობის პროცენტული მაჩვენებლის პრეისკურანტის ყველა პოზიციაზე თანაბრად დაკლების პრინციპით. აღნიშნულ შემთხვევაში ტენდერში გამარჯვებულმა პრეტენდენტმა კორექტირებული პრეისკურანტი უნდა წარმოადგინოს აღნიშნული პრინციპით დაანგარიშებული ერთეულის ფასების მიხედვით.



3. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება №

ქ. თბილისი

„____“ _____ „2015 წელი

1. ხელშეკრულების დამდები მხარეები

ერთის მხრივ საქართველოს იუსტიციის უმაღლესი საბჭო (შემდგომში „შემსყიდველი“) საბჭოს მდივნის, ლევან მურუსიძის სახით და მეორეს მხრივ, „მიმწოდებელი“) მისი ხელმძღვანელის (შემდგომში სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“ ორგანიზაცია, რომელიც ახორციელებს შესყიდვას.

2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

3.1. მანქანების შეკეთების და ტექნიკური მომსახურების სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს _____ ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

5.1. მიმწოდებლის მიერ ნაკისრი ვალდებულების შესრულების კონტროლს შემსყიდველის მხრიდან განახორციელებს საქართველოს იუსტიციის უმაღლესი საბჭოს საფინანსო-სამეურნეო სამმართველოს კონსულტანტი არტურ ბაკიძე (პირადი №01022001247).



საქართველოს იუსტიციის უმაღლესი საბჭო

5.2. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს გაწეული მომსახურების ხარისხის კონტროლი, რათა დარწმუნდეს მათ შესაბამისობაში ხელშეკრულებით გათვალისწინებულ სტანდარტებსა და ნორმებთან.

5.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

6. შესყიდვის ობიექტის მიწოდების ვადები, პირობები და მიღება-ჩაბარების წესი

6.1. მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განხორციელოს ხელშეკრულების გაფორმებიდან 2015 წლის 31 დეკემბრის ჩათვლით.

6.2. მიმწოდებლის მიერ მომსახურების გაწევა განხორციელდება შემსყიდველის მიერ მომსახურების მოთხოვნის დღიდან შემდეგი პირობების დაცვით:

ა) შემსყიდველის მოთხოვნით, მიმწოდებელი უსასყიდლოდ მოახდენს წარმოდგენილი ავტოსატრანსპორტო საშუალების დიაგნოსტიკას, რის საფუძველზეც შედგება შესაბამისი დეფექტური აქტი - ჩასატარებელი სამუშაოების (გასაწევი მომსახურების) განფასება.

ბ) დეფექტურის აქტის ორმხრივი ხელმოწერის შემდგომ, მიმწოდებელი მოახდენს დეფექტურ აქტში მითითებული მომსახურების გაწევას, რაზედაც შედგენილ იქნება შესაბამისი მიღება-ჩაბარების აქტი.

6.2. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7. ანგარიშსწორება

7.1. ანგარიშსწორების ვალუტას წარმოადგენს - ლარი.

7.2. ანგარიშსწორების ფორმაა უნაღდო.

7.3. ანგარიშსწორება განხორციელდება მიმწოდებლის საბანკო ანგარიშზე მიმწოდებლის მიერ შესრულებული სამუშაოს აქტებზე ორმხრივი ხელმოწერის შემდეგ ანგარიშ-ფაქტურის წარმოდგენიდან 10 კალენდარული დღის განმავლობაში.

7.4 საავანსო ანგარიშსწორება არ გამოიყენება.

8. უფლებების გადაცემა

8.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით გათვალისწინებული თავისი ვალდებულებები.

8.2 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

9. გარანტია

გაწეული მომსახურება უნდა აკმაყოფილებდეს შემდეგ საგარანტიო პირობებს:

ა) საგარანტიო ვადა სავალ ნაწილებზე უნდა შეადგენდეს მიღება-ჩაბარების აქტის გაფორმებიდან 6 (ექვსი) თვეს;

ბ) საგარანტიო ვადა საცხებ-საპოხ საშუალებებში მომუშავე აგრეგატებზე 1 (ერთი) წელი ან 50000 კმ, რომელიც უფრო ადრე შესრულდება.

გ) საგარანტიო პერიოდში დაზიანებული ან/და შესაკეთებელი ნაწილის შეცვლა ან/და შეკეთება მიმწოდებლის მიერ უნდა განხორციელდეს დაუყოვნებლივ.

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი.



საქართველოს იუსტიციის უმაღლესი საბჭო

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.5. ამ ხელშეკრულების პირობების ნებისმიერი ცვლილება უნდა გაფორმდეს მხარეთა შორის ახალი ხელშეკრულებით წინამდებარე ხელშეკრულებაში ცვლილებების შეტანის გზით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების პირობების შეუსრულებლობა

12.1. ფორს-მაჟორული პირობების გარდა, ხელშეკრულების პირობების შეუსრულებლობისა ან/და დაგვიანებით შესრულების შემთხვევაში მხარეებს დაეკისრებათ პირგასამტეხლოს გადახდა, ერთმანეთის წინაშე ყოველი დაგვიანებულ დღეზე ხელშეკრულების ღირებულების 0,5%-ს ოდენობით.

12.2. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

13. სადავო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ წინამდებარე ხელშეკრულების ან მასთან დაკავშირებული სხვა კომპონენტის ირგვლივ წარმოქმნილი ყველა უთანხმოება და დავა.

13.2. თუ შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს სასამართლოს.

14. ხელშეკრულების შეწყვეტა მისი პირობების შეუსრულებლობის გამო

14.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის თაობაზე წერილობითი შეტყობინების შემდეგ თუ:



საქართველოს იუსტიციის უმაღლესი საბჭო

(ა) მიმწოდებელს ხელშეკრულებით გათვალისწინებულ ვადებში არ შეუძლია გაუწიოს მომსახურება.
(ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

(გ) მიმწოდებელი გაკოტრდა;

(დ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 იანვრის ჩათვლით.

16. გადასახადები და ბაჟები

მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

17. შეტყობინება

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19. დამატებითი პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე. აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს

20. მხარეთა რეკვიზიტები:

„შემსყიდველი“

საქართველოს იუსტიციის უმაღლესი საბჭო

მისამართი: ქ.თბილისი, ბოჭორმის ქ.№12

ტელ.: 227 31 13

სახელმწიფო ხაზინა;

ბანკის კოდი: TRESGE22;

ა/ა: GE24NB0330100200165022;

საიდენტიფიკაციო №: 203855658

საბჭოს მდივანი

ლევან მურუსიძე

„მიმწოდებელი“

ორგანიზაცია: _____

მისამართი: _____

ტელ.: _____

ბანკის დასახელება: _____

ანგარიშის ნომერი: _____

საიდენტიფიკაციო №: _____

ორგანიზაციის ხელმძღვანელი _____